

ՔԱՆԱՍՏԵՂԾԱԿԱՆ**ԼՈՅՍ**

Ամենից առաջ լոյսն ստեղծեցիր,
 Լոյսը պերճափայլ եւ լոյսը զուարթ,
 Լուսատուների լոյսը անդորրիչ
 Եւ հալածիչը թանձր խաւարի:

Արարի՛չ Լուսոյ, Տէ՛ր իմ երկնաւոր,
 Թող մեր սրտերից լոյսդ չմարի,
 Ողորմի՛ր Դու միշտ աշխարհը համայն
 Լուսով Քո բարի եւ միշտ տենչալի:

Մայրս մաքրափայլ քո լոյսից վառեց
 Մեր հինաւուրց տան լոյսը ճրագի.
 Թող պլպլայ, անսպառ մնայ
 Մեր ջինջ հաւատի ձէթովն անարատ:

Լուսազարդ սրտով փառաբանում ենք
 Երկնառաք լոյսը մեզ շնորհողին,
 Եւ օրհնանքը մեր բաշխում ենք անվերջ
 Մեր տան ճրագն էլ միշտ վառ պահողին:

ՅԱԿՈԲ ԱՐՔ. ԳԼՆՃԵԱՆ